


(<https://news.usm.my>)

Berita Mutakhir

08
NOV

SEKRETARIAT SUKARELAWAN USM JAYAKAN 'BAJU SEKOLAH PROJECT@USM' BANTU GOLONGAN ASNAF DI BALIK PULAU



USM, PULAU PINANG, 8 November 2016 – Sekretariat Sukarelawan Universiti Sains Malaysia (USM) dengan kerjasama Jabatan Kebajikan Masyarakat (JKM) Barat Daya Pulau Pinang buat pertama kalinya menganjurkan 'Program Baju Sekolah Project @USM' dalam membantu memenuhi kebajikan komuniti asnaf di sekitar daerah Balik Pulau, Pulau Pinang.

Menurut Penasihat Kor Sukarelawan USM, Zulkifli Che Hussin, program ini secara dasarnya berpandukan matlamat pendidikan kebangsaan yang memperuntukkan usaha Kementerian Pendidikan Malaysia untuk mengurangkan jurang perbezaan antara kaum dengan membekalkan kemudahan asas pendidikan kepada golongan kurang berada.

"Sekretariat Sukarelawan USM telah mengesan seramai 120 orang pelajar sekolah menengah dan rendah yang tergolong dalam kumpulan masyarakat asnaf yang serba kekurangan dan memerlukan sumbangan bantuan persekolahan di daerah Balik Pulau," katanya.



Jelasnya lagi, pelaksanaan program ini berfokuskan komuniti kampus USM, mahasiswa dan staf untuk turut serta sebagai penyumbang utama sumber bantuan persekolahan.

“Sumbangan yang dimaksudkan dispesifikasikan kepada kutipan amal dana pakaian sekolah mengikut sistem kolektif berpakej iaitu tiga pakej yang boleh dipilih oleh penyumbang untuk membuat sumbangan secara top (RM30), bottom (RM30) dan All-in-One (RM60),” tambah Zulkifli.

Katanya, setiap sumbangan boleh diserahkan secara langsung di kaunter yang dibuka di laluan Foyer DK bermula 31 Oktober sehingga 5 Disember ini atau menghubungi pihak Sekretariat Sukarelawan USM.

“Pada kemuncaknya, sumbangan tersebut bakal disalurkan menerusi Majlis Sua Mesra Siswa Bersama Komuniti yang akan diadakan pada 10 Disember akan datang yang dirangka sebagai acara penutup bagi program ini,” katanya lagi.



The poster features a white short-sleeved school uniform shirt centered within a circular graphic. At the top, logos for U-M, APEX, BHEPA, and the USM community service department are displayed. The main title 'CHARITY BAJU SEKOLAH PROJECT @USM' is prominently displayed in large, bold letters. Below the title, the event details are listed: 'TEMPAT: BOOTH LALUAN DK FOYER', 'TARIKH: 31 OKTOBER - 5 DISEMBER', and 'MASA: 9.00 PAGI - 4.30 PETANG'. The poster also lists accepted donations and the organizing body.

U-M **APEX** **BHEPA** **KOR** **Jabatan KEBAIKIAN Masyarakat**

CHARITY
BAJU SEKOLAH
PROJECT @USM

TEMPAT: BOOTH LALUAN DK FOYER
TARIKH: 31 OKTOBER - 5 DISEMBER
MASA: 9.00 PAGI - 4.30 PETANG

KAMI TERIMA:
SUMBANGAN WANG RINGGIT
WAKAF BUKU ILMIAH

ANJURAN
KOR SUKARELAN USM
(KERJASAMA JABATAN
KEBAIKIAN MASYARAKAT)

SILA HUBUNGI : AMIRUL 017-4827195/AZIRA 017-4862289

f *Briged Sukarelawan USM* **t** *@volunteerUSM* **i** *brigedsukarelawan_usm*

Zulkifli yakin keterlibatan warga USM khususnya dalam menjayakan program ini mampu menghasilkan suatu impak yang positif serta bersifat timbal balik dalam kalangan masyarakat sekitar.

Teks: Syuhada Abd. Aziz



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015